

新纂雲南通志卷四十目錄

地理考二十

城池一

周

漢

蜀漢

晉

隋

唐

宋

元

明

新纂雲南通志卷四十

地理考二十

城池一

雲南各地城池遠溯於莊蹻之世蓋設治之初其建置必以城池為首近世雖戰術日精金城湯池似為無用然如遇盜賊嘯聚四出劫掠僻居村落者猶將恃城池以自固是城池仍不容全廢茲本舊志詳考歷代舊城及清代省府州縣各城民國後所修築者亦漸有增入俾資稽考云

周

苴蘭城 一名穀昌在昆明縣北十餘里楚莊蹻築明一統志穀昌廢縣一

名苴蘭城在昆明縣北七里莊蹻王滇時築漢置縣後廢址尚存

新纂雲南通志

卷四十 地理考二十 城池一

雍正志

漢

建伶故城 在雲南府西北漢縣屬益州郡清一統志在昆明縣西北八十

里雍正志

秦臧故城 在富民縣漢置屬益州郡清一統志在昆明縣西五里雍正志

滇池故城 在晉甯州東漢置屬益州郡明一統志在晉甯州東十五里雍正志

賁古故城 在建水州東三十里漢置縣屬益州郡雍正志

曲江故城 在建水州北八十里臨曲江有二城一築於漢一築於

蒙氏址存雍正志

祿匡城 新興州西南有祿匡城相傳漢時築明一統志在新興州西南十

五里俗名西古城漢時築元梁王重繕駐兵雍正志



昌人城 新興州南有昌人城相傳漢時築在新興州南十里俗名

高倉古城一名南古城漢時築元梁王重修駐兵府志

玉乞城 在舊研和縣相傳漢時築明一統志在新興州南三十三里故研

和縣東玉乞山麓府志

河頭城 在路南州北八十里舊邑市縣漢築明通志

新豐廢城 石城南面有新豐川漢南甯州新豐縣故地也廢牆塹

猶在樊綽書

蜀漢

趙州諸葛城 在趙州東南彌渡市北武侯築雍正志

賓川諸葛城 在賓川州西二里虎踞山相傳為武侯駐兵處雍正志

甯州古城 有二一在甯州南里許一在路居相傳武侯所築臨安府志

新纂雲南通志

卷四十一 地理考二十 城池一

一一

大姚武侯城 在大姚縣西馬鞍山麓為武侯南征駐師之所今鐵

椿尚存雍正志

新興諸葛城 在新興州南安哨山頂有石城江府志

南甯諸葛城 石城川味縣故地也貞觀中為郎州開元初改為南

甯州州城即諸葛亮戰處故城也城中有諸葛亮所撰文立二碑

背上篆文曰此碑如倒蠻為漢奴近年蠻夷以木措拄樊綽書在曲靖

府西十五里平川中舊名共範川今其地名三岔故城遺址尚存

清一統志

保山諸葛城 永昌城西邊大洞川亦有諸葛武侯城城中有神廟

土俗咸共敬畏禱祝不闕蠻夷騎馬遙望廟即下馬趨走又龍尾

城西第七驛即永昌也昔諸葛征永昌於此築城今江西山上有

廢城遺跡

樊綽

在高崙山分水嶺舊傳諸葛運鬼工一夜而成者

永昌府志

武定諸葛城

在和曲州東二里相傳諸葛武侯曾駐兵於此今城

址尚存

雍正志

晉

天女故城

在晉甯州西五里

雍正志

晉太興初甯州刺史李毅之女秀

代父領州時所築

明一統志

隋

史城

南詔至異牟尋又遷於喜郡史城

元史地理志

在太和縣北四十里

隋開皇中史萬歲駐師於此故名元初置喜州今其地名喜洲村

址存

雍正志

晉甯古土城

在晉甯州西北五里

雍正志

隋刺史梁昆築有九門十二

新纂雲南通志

卷四十 地理考二十 城池一

三

衢今廢

明一統志

周圍七里

晉甯州志

唐

曲州靖州廢城

石門外第九程至魯望即蠻漢兩界舊曲靖之地

也曲州靖州廢城皆在

樊綽

靖州故城在南甯縣南十五里唐置俗

名南城址尚存

雍正志

蒙舍城

貞元十年南詔攻施蠻城邑虜其王尋羅并宗族置於蒙

舍城養給之

樊綽

白崖城又七十里至蒙舍城自蒙舍城八十里至

龍尾城

唐書地理志

蒙化即蒙舍故都唐初建甯國王張樂進求遜位於

蒙氏號蒙舍詔其地在南又稱南詔尋築蒙舍城居之

楊慎

在蒙

化府北十里元改置蒙化州於此

清一統志

在蒙化府北十五里古城村

張氏讓國蒙詔築城以居今舊址尚存

雍正志

金城 阿葛城 嵩明漢人嘗立長州築金城阿葛二城蒙氏興改

為嵩明部元史地理志舊金城在嵩明州西南清一統志在嵩明州城內黃龍山

昔時漢夷雜處漢人築城居焉址存雍正志

道光志案雲南府志以為漢時築蓋以漢夷之漢為兩漢誤

絳縣故城 在江川縣南四里唐貞觀八年置黎州領縣二絳其一

也又名碌雲異城蒙氏時白蠻居之至段氏時為摩些徒蠻所據

更名步雄部元初置千戶所至元中改江川州尋降為縣明崇禎

七年遷縣治於江川驛舊城址存雍正志

馬舉龍城 一名黎灤城烏蠻酋步門步末始築馬舉龍城號黎灤

甸元至元中立黎灤千戶所明一統志黎灤城在富民縣東三里元置千

戶所於此雍正志

求州故城 在新興州綦盤山有故址唐置求州疑即此江徽府志

鏡州故城 在雲南縣西南土城遺址尚存唐置隸戎州都督府清一統志

在雲南縣西北十餘里雍正志在今高官舖唐永徽間置僅存西南二

方雲南縣志

瓏玕圖山城 奇王蒙氏始唐高宗永徽三年乃建都蒙舍築城龍

圖山阮元聲南詔野史在蒙化府西北瓏玕山周圍四百餘丈昔細奴邏築此

城以居今尚有所遺石柱又府東梅子箐山頂有城基周圍十六

門其規模又倍於瓏玕焉雍正志又有貝忙山後城在府境有十六門

制如太和城清一統志

勃弄故城 在雲南縣東一百里唐志匡州縣勃弄匡州故城今大

波那等村是其遺址清一統志在縣東南即唐置匡州勃弄縣處址猶存

姚州古城 在州北唐景雲元年御史李知古築姚州志景雲元年姚州

羣蠻先附吐蕃攝監察御史李知古發兵擊之既降又請築城資治通鑑

拓東龜城 在昆陽州北平定鄉唐開元間南詔盛羅皮遣張建成

入朝時築雍正志開元初威成王册楊道清為顯密圓通大義法師塑

大靈土主天神聖像曰摩訶迦羅築滇之城以龜其形五年龜城

完復塑二神一鎮龜城之頂一鎮城之南張道宗記古滇說

悶依土城 在易門縣西一百里祿益山相傳為善闡邊戍之所雲南府志

大釐城 南去陽苴咩城四十里北去龍口城二十五里邑居人戶

尤衆盛羅皮多在此城并陽苴咩并澄川今並南詔往來所居也

樊綽蠻書開元末皮羅閣逐河蠻取太和城又襲大釐城守之唐書南蠻傳唐置

澄川州治大釐蒙氏襲而奪之後改德源城至元十一年改德源

城為澄川州元史地理志德源城在鄧川州東一名大釐城清一統志在鄧川州

東北十二里昔鄧臉詔居之南詔既併鄧臉其妻慈善不屈死南

詔旌其城曰德源雍正志鄧川東十里鄧臉詔之妻名慈善者因召夫

被殺慈善築城負固之南詔神武王親率兵欲妻之慈善堅執不

從誓曰一女不更二夫乃據城以自守王領兵因攻之不克慈善

卒王嘉其節賜號德源城張道宗記古滇說

太和城 北去陽苴咩城一十五里巷陌皆壘石為之高丈餘連延

數里不斷城中有大碑閣羅鳳清平官王蠻利之文論阻絕王化

之由受制西戎之意開元二十五年蒙歸義逐河蠻奪據太和城

樊綽蠻書太和城去龍尾城十里唐書地理志開元末道光志案資治通鑑作開元二十六年滇載記作開元十六年皮羅閣逐

河蠻取太和城天子詔賜皮羅閣名歸義册爲雲南王於是徒治

太和城閣羅鳳北臣吐蕃侍御史李宓討之宓敗於太和城南蠻傳開

元十八年南詔蒙歸義築大和城二十七年遷都太和城南詔野史南詔

尋閣勸以鄯闡爲東京以太和爲西京滇志在太和縣南十五里今

名太和村址存雍正志大理府志城周十餘里

龍口城 盛羅皮取太和城仍築龍口城爲保障龍口城閣羅鳳所

築紫抱玷蒼南麓數里城門臨洱水下河上橋長百餘步過橋分

三路直南蒙舍路向西永昌路向東白崖城路樊綽蠻書

矣苴和城 施望欠與豐咩咩羅皮同伐蒙歸義皆敗潰退保矣苴

和城樊綽蠻書

澄川城 舊澄川也南去龍口城十五里初望欠部落居之後浪穹

新纂雲南通志 卷四十 地理考二十 城池一 六

詔豐咩襲而奪之豐咩孫鐸羅望與南詔戰敗退保劍川南遂有

城城依山足東距瀘水北有泥沙自閣羅鳳及異牟尋皆填固增

修最爲名邑東北有史郎川又東祿諾品川又北俄坤樊綽蠻書

安甯舊城 後漢元鼎二年伏波將軍馬援立銅柱定疆界之所道光志案

後漢無元鼎年號馬援立銅柱事在光武建安十九年此誤去交趾城池四十八日程漢時城壁尙存碑銘並

在樊綽蠻書拓東城東八十里至安甯舊城唐書地理志有兩爨大鬼主崇道者

與弟日進日用居安甯城左聞章仇兼瓊開步頭路築安甯城羣

蠻震懼共殺築城使者元宗詔蒙歸義討之天寶七載詔特進何

履光以兵定南詔境取安甯城及井南蠻傳在今安甯州治南清一統志

和子城 唐蒙舍詔閣羅鳳合六詔爲一侵俄碌取和子城今鎮南

州是也元史地理志在鎮南州東一里古今圖書集成在鎮南州東二里雍正志

雞和城 鎮南州在威楚路北昔樸落蠻所居川名欠舍中有城曰

雞和至唐時蒙氏併六詔征東蠻取和子雞和二城置石鼓縣元史地理

志

石鼓城 在鎮南州東三十里蒙氏取雞和城置此縣明一統志在鎮南州

東二十里蒙氏征東爨時置今廢楚雄府志

龍和故城 在南甯縣西南十五里唐開元中南詔閣羅鳳遣楊牟

利以兵脅西爨徙戶二十餘萬於永昌東爨以言語不通得不徙

自曲靖州石城升麻昆川南北至龍和皆殘於兵雍正志

石和城 渠斂趙本河東州也西巖有石和城烏蠻謂之土山坡陀

者謂此州城及太和城俱在坡陀山上故也州中列樹夾道為交

流村邑連蔓溝塍彌望大族有王楊李趙四姓皆白蠻也云是沮

蒲州人遷徙至此因以名州焉東北至毛郎川又東北至賓居湯

又北至越析川摩些詔故地也樊綽蠻書施浪詔之裔據石和城閣羅鳳

攻虜之南蠻傳在浪穹縣西北十五里雍正志施浪因勢孤弱令族人施各

皮據石和城互為羽翼諸葛元聲滇史

羅魯城 劍川縣治在劍川湖西夷云羅魯城元史地理志在劍川州南十

五里唐時築今名瓦窰村雍正志羅魯蠻云海也元宗時浪穹詔鐸羅

望與南詔兵戰不勝挈其部退保遷義督羅魯城劍川州志

石橋城 天寶七載閣羅鳳攻石橋城樊綽蠻書

雲南城 天寶中閣羅鳳所規置也嘗為信州地城池郭邑皆如漢

制州中南北二十餘里東西四十五里帶邑及過山雖有二千餘

戶田疇多廢閭里少人諸葛亮分永昌東北置雲南郡斯即其故

地也西隔山有品臉睽亦名清字川嘗爲波州大池繞山長二十

餘里波州廢地在池東南隅故渭北節度段子英此州人也故居

墳墓皆在雲南東第二程有欠舍川大都部落第三程至石鼓驛

舊化州也第四程至曲驛有大覽睽小覽睽漢舊覽州也又求贈

館至雲南城七十里樊綽書渡石門至佉龍驛又六十里至雲南城唐書

地理志天寶八年南詔神武王固修城郭於鄧川城東去七十里有甸

言川其川原平坦山勢迴合周有二百餘里乃雲南州又築一城

焉記古演說在今雲南縣南八十里安南坡清一統志在雲南縣南六十里雍正志

威楚城 開南城管柳追和都督城威楚城樊綽書威楚開南等路俗名

俄碌後爨酋威楚築城俄碌睽居之元史地理志天寶八年南詔神武王

固修城郭曰威楚州城記古演說

姚州唐古城 在姚州城東十五里唐太守張虔陀築雍正志

白崖城 在勃弄川天寶中附於忠城陽等五州之地也依山爲城

高十丈四面皆引水環流惟開南北兩門南隅是舊城周迴二里

東北隅新城大歷七年閣羅鳳新築也周迴四里城北門外有慈

竹藜大如人脰高百尺餘城內有閣羅鳳所造大廳修廊曲廡廳

後院橙枳青翠俯臨北埔舊城內有池方三百餘步池中有樓舍

云貯甲仗川東西二十餘里南北百餘里清平官以下官給分田

悉在南詔親屬亦住此城傍樊綽書雲南城又八十里至白崖地唐書地理志

鮮于仲通進薄白崖城大敗引還又有時傍矣川羅識二族通號

八詔時傍入居鄧川州爲閣羅鳳所猜徙置白崖城又異牟尋破

施蠻順蠻竝虜其王置白崖城南蠻傳天寶十二載南詔閣羅鳳築白

崖城南詔野史趙州有舊白崖城嘉靖四十二年修築更名彩雲城明史地理志

在趙州東南六十里古今圖書集成在趙州東南九十里清一統志在趙州東六十

里舊名白崖甸以西山崖石如雪因名蜀漢建興三年武侯南征

師次白崖獲雍闓斬之封白國仁果裔龍祐那為會長賜姓張氏

築城於白崖山下蒙氏時為白崖臉唐天寶十年鮮于仲通進薄

白崖城即此明嘉靖年設大理府督捕通判駐其地築土城萬曆

末年裁城址尚存雍正志彩雲城在白崖西山下即一統志所謂文案

洞城也白國王張龍祐那築古今圖書集成彩雲城在白崖西昆彌山下以

彩雲見於此故名一名文案洞城舊志

道光志案舊志白崖城彩雲城兩載據明史地理志白崖城更名彩雲城是為一城今從明史

蠻子城 白崖城南二十里有蠻子城閣羅鳳庶弟誠節母子舊居

新纂雲南通志 卷四十 地理考二十 城池一

也正南去開南城十一日程樊綽蠻書

唐城 在趙州南十五里唐天寶中李宓征南詔時築雍正志

巔哀城 在祿豐縣南唐蠻酋阿哀所築即今古城雍正志

養子城 大歷四年閣羅鳳築養子城麗水金寶城南詔野史

鐵橋城 在劍川北三日程川中平路有驛貞元十年南詔蒙異牟

尋用軍破東西兩城斬斷鐵橋大籠官已下投水死者以萬計今

西城南詔置兵守禦東城至神川以來半為散地見管浪加萌於

浪傳竟長禪磨些撲子河人弄棟等十餘種樊綽蠻書貞元十年異牟尋

歸唐襲破吐蕃鐵橋十六城唐書地理志在舊巨津州北一百三十里鐵

橋南清一統志鐵橋南有鐵橋城為吐蕃十六城之一嘗置鐵橋節度於

此雍正志

甯北城 在漢牂榆縣之東境也本無城池今以浪人詔矣羅君舊

宅為理所東地有野共川北地有虺川又北有橫川又北有郎婆

川又北有桑川即至鐵橋城北九睽川又西北有羅眉川又西牟

郎共城又西至傍彌潛城西有鹽井鹽井西有斂尋城皆施蠻順

蠻部落今所居之地也又西北至聿賚城又西北至弄視川樊綽蠻書唐

貞元十五年異牟尋謀擊吐蕃以鄧川州甯北等城當寇路乃峭

山深塹修戰備為北面之固段氏時城廢滇記在鄧川州北三十里

唐時蒙氏所築清一統志

牟郎共城 傍彌潛城 斂尋城 聿賚城

道光志案已上四城並見甯北城下

雲峯長城 元和二年南詔異牟尋築大理并雪峯長城南詔野史

新纂雲南通志

卷四十 地理考二十 城池一

一〇

惠劇故城 建水州治故建水城唐元和間蒙氏所築古稱步頭亦

云巴甸每秋夏溪水漲溢如海夷謂海為惠大為劇故名惠劇漢

語曰建水元史地理志在今建水州西清一統志

昆明城 在東瀘之西去龍口十六日程正北有諱苴川正南有松

外城又正南至龍怯河西南至小婆城又西南至大婆城西北至

三探覽城又西北至鐵橋東城其鐵橋上下乃昆明雙舍至松外

已東邊近瀘水樊綽蠻書並磨些三種落所居之地

松外城 小婆城 大婆城 三探覽城

道光志案已上四城並見昆明城下

鎮西城 南至蒼望城臨麗水東北至彌城西北至麗水渡麗水渡

面南至祈鮮山山西有龍神河柵祈鮮已西即裸形蠻也管摩零

都督城在山上自尋傳祈鮮已往悉有瘴毒地平如砥冬草木不
枯日從草際沒凡管金齒漆齒繡脚繡面雕題僧耆等十餘部落

樊綽
蠻書

蒼望城 彌城

道光志案已上二
城竝見鎮西城下

磨零都督城 南詔特於摩零山上築城置心腹理尋傳長傍摩零

金彌城等五道事云

樊綽
蠻書

龍尾城 白巖驛至龍尾城一日又渠藍趙館至龍尾城三十里從

龍尾城至陽苴咩城五十里銀生城去龍尾城十日程開南城在

龍尾城南十一日程

樊綽
蠻書

白崖城又八十里至龍尾城又龍尾城南
去蒙舍城八十里北去太和城十里

唐書地
理志

銀生城 在撲睒之南去龍尾城十日程東南有通鐙川又直南通

河普川又正南通羌浪川卻是邊海無人之境也東至送江川南

至邛鵝川又南至林記川又東南至大銀孔又南有婆羅門波斯

閣婆勃泥崑崙數種外通交易之處多諸珍寶以黃金麝香為寶

貨撲子長鬃等數十種

樊綽
蠻書

開南城 在龍尾城南十一日程管柳追和都督城又威遠城奉逸

城利潤城內有鹽井一百來所茫乃道并黑齒等類十部落皆屬

焉陸路去永昌十日程水路下彌臣國三十日程南至南海去崑

崙國三日程中間又管模迦羅于泥禮强子等族類五部落

樊綽
蠻書

柳追和都督城 奉逸城 利潤城

道光志案已上三
城竝見開南城下

拓南城 自拓南城已西蕃蠻種不養蠶樊綽蠻書

通海城 曲石館至通海城一日樊綽蠻書

舍利水城 大釐城東南十餘里有舍利水城在洱河中流島上四

面臨水夏月最清涼南詔常於此城避暑樊綽蠻書

安南廢城 拓東城去安南城三十九日程樊綽蠻書在開化府西一百四

十里本阿楚蠻所居舊名哀古又名捨資部元置千戶明初改爲

長官司正德六年省入蒙自縣天啓二年復給司印以王弄長官

司沙源兼管明末源子定洲謀叛討誅之其兵頭王朔遂有其地

清康熙四年朔與祿昌賢等叛誅之城址尙存雍正志

越禮城 在永昌北管長傍藤彎樊綽蠻書

長傍城 三面高山臨祿昇江樊綽蠻書

藤彎城 南至磨些樂城西南有羅君尋城又西至利城渡水郎陽

川直南過山至押西城又南至首外川又西至茫部落又西至鹽

井又西至拔熬河麗水城尋傳大川城在水東從上郎坪北里眉

羅苴鹽井又至安西城直北至小婆羅門國東有寶山城又西渡

麗水至金寶城眉羅苴西南有金生城從金寶城北牟郎城渡麗

水至金寶城從金寶城西至道吉川東北至門波城西北至廣蕩

城接吐蕃界北對雪山所管部落與鎮西城同樊綽蠻書

磨些樂城 羅君尋城 押西城 尋傳大川城 安西城 寶山

城 金生城 門波城

道光志案已上八城並見藤彎城下

麗水城

金寶城

道光志案已上二城並見上養子城及藤灣城下

廣蕩城

接隔□□□候雪山

樊綽續書

弄棟城

在故姚州川中南北百餘里東西三十餘里廢城在東巖

山上當川中有平巖周圍五六頃新築弄棟城在其上雜管蠻數

部落悉無漢人姚州百姓陷蠻者皆被移隸遠處又從陽褒至弄

棟城七十里

樊綽續書

中城

乾符間南詔隆舜遷都郊祀山川社稷二壇於鄯闡東京城

外山川壇西南又築一城其子舜化所居名曰中城記古演說在省城東

宣武王築與其子舜化即古城南詔野史

崑峨故城

在北勝州南五十里蒙氏所築古今圖書集成在永北府南三十

里崑峨村遺址尚存

雍正志

蒙氏城

在安甯州州學後故址尚存雍正志

九重城

在太和縣清一統志俗曰南詔城皆南詔備吐蕃所設一在河尾

里一在關邑里一在太和村一在北國一在蟠溪里一在塔橋一

在摩用合羊苴咩城與史城為九大理府志

金剛城

在點蒼山佛頂峯麓亦南詔所築清一統志

扶邪城

在羅次縣境南詔有扶邪都督實錄云南詔於羅次州置

扶邪縣

清一統志

耐籠城

唐蒙氏遣爨蠻酋擡萼鎮牟州築城曰耐籠元史地理志今定遠

縣治

清一統志

集興籠城

在嵩明州南十五里相連有梅堂阿葛籠蒙琮籠白籠

諸城周迴數十里俱南詔時楊佑所築今皆為村落略有其基雍正志

籠納城 在嵩明州南詔時楊佑築俗呼大城康熙志

安東城 在趙州東二里蒙氏安東將軍李專珠所築雍正志

末束城 異龍湖中有三島唐時烏麼蠻始居一島築末束城宋時

阿契蠻奪據之明一統志石屏州有異龍湖中有大小中三島其大島中

島上皆有城明中地理志在石屏州東異龍湖中瑞城島上又州南五爪

山上有城亦名末束雍正志

河東故城 在安甯州東南葱蒙臥山之東唐時置州於此土人呼

為華納城雍正志

石城故城 在南甯縣北二十里清一統志爨歸王為南甯州都督居石城

唐書南蠻傳

新纂雲南通志

卷四十 地理考二十 城池一

一四

易門故城 在易門縣南三十里昔烏蠻酋仲磨由男所居之地大

理時高福世守其城明一統志

羅部城 在羅次縣南二十五里舊縣壩舊為羅部農落彈所居亦

曰羅部府清一統志在羅次縣北二十餘里昔蠻酋恃險處雍正志

騰充城 諸葛亮城西去騰充城二百里唐書地理志

宋

楊廣城 有三一在阿迷州東南二里通安橋一在州之市平鋪一

在州之石頭寨相傳宋皇祐初儂智高奔竄狄青使其將楊文廣

追之屯兵於此雍正志

蒙自古城 在新安所西十里有古碑題曰宋將楊文廣駐師之所

蓋狄青討儂智高時也雍正志

伽宗城 在呈貢縣西二十里宋時大理高智昇令土官伽宗築因名雍正志即大古城今爲村呈貢縣志

德江城 段氏時高昇泰執國柄封其姪子明量於威楚築外城號

德江城元史地理志在楚雄縣西北二里宋段氏時築高量成避位居此

一村化其德故名雍正志

巨橋城 昆陽州在滇池南焚獯雜蠻所居有城曰巨橋城今爲州

治元史地理志在昆陽州東堡子屯宋時高氏築元設巨橋萬戶府即此

雍正志

通海舊土城 在通海縣東五十里官洞村相傳昔寨長段智興築

此以禦諸蠻廢址尙存清一統志在縣東五里通海縣志相傳寨長王智築雍正志

段氏故城 有二一在建水州南五里瀘江鄉無垢寺一在州西十

里蓮花池址存雍正志

江東城 在安甯州東南二十里段氏所築元初廢又北有青龍城

皆蠻酋恃險處今爲村雍正志

望德城 在劍川州南三里周五百丈段氏所築今名水寨村雍正志

西源城 在騰越州西二里平原中相傳爲段氏所築雍正志廣二里許

城坡街道井然可見永昌府志

易籠城 昔段氏於共甸築城名曰易籠又易籠者城名在祿勸州

北地名培場縣境有二水蠻語謂洩爲水籠爲城因此爲名昔羅

婺部大酋居之爲羣酋會集之所至元二十六年立縣元史地理志在祿

勸州北一百八十里雍正志

普扎龍城 普舍縣在新興州西北昔有強宗部蠻之裔次日普舍

據普扎龍城後普舍孫苴廟內附立本部為千戶至元十三年改

千戶為普舍縣治普扎龍城隸新興州元史地理志廢普舍縣城即普扎

龍城在新興州北十七里明一統志

普具籠城 昔有強宗部蠻之裔長曰部傍據普具籠城元史地理志在新

興州東北二十里俗名東古城漢時築元梁王重修駐兵徽江府志

道光志案段氏時蠻築府志誤

白城 普具籠普扎籠二城之西有白城漢人所築元史地理志在新興州

北二十五里梅園漢人所築雍正志

盤瓠城 在州北納垢部所築馬龍州志

元

西沙故城 西沙在甯州東甯部蠻世居之其裔孫西沙築城於此

因名西沙籠憲宗四年其酋普提內附就居此城為萬戶至元十

三年立為西沙縣元史地理志在甯州西二里仁善坊內雍正志

呈貢故城 呈貢西臨滇澤之濱在路之南州之北其間相去六十

里有故城曰呈貢為些莫強宗部蠻所居元憲宗六年立呈貢千

戶至元十二年割詔營切龍呈貢雌甸塔羅和羅忽六城及烏納

山立呈貢縣元史地理志

目則故城 蒙自縣境有山名目則漢語訛為蒙自有故城夷目

所築即今縣治憲宗六年內附七年立千戶至元十三年置縣元史地理志

志一名古城在縣北一里相傳蒙自先建於此遺址猶存有溝曰

古城溝蒙自縣志

元江城 元江古西南夷地阿楚諸部蠻自昔據之憲宗四年內附

七年復叛率諸部築城以拒命

元史地理志

易哀城 廣通縣在南安州北夷名爲路睽雜蠻居之南詔閣羅鳳

曾立路睽縣至段氏封高明量於威楚其後宜州酋些莫徒裔易

哀等附之至高長壽遂處於路睽易哀去舊堡二十里山上築城

曰龍戲新柵憲宗七年長壽內附立今縣

元史地理志

在今廣通縣清一統志

撒呂城 路南州夷名路甸有城曰撒呂黑蠻蠻之裔落蒙所築子

孫世居之因名落蒙部憲宗朝內附立萬戶至元十三年改爲路

南州

元史地理志

在路南州東北一里

雍正志

土官秦氏築今地建學宮徽江府志

河西州故城 在河西縣南三里螺髻山下即舊縣治其地曰休臘

元憲宗時置尋改爲縣明成化七年始遷縣治於普應山下舊址

猶存

雍正志

甯海府故城 在甯州西三十里大雄寺旁今名舊州元初置甯部

後改甯海府至元中改甯州至正間始遷於今治雍正志

烏蒙故土城 在烏蒙府東二十里明一統志在恩安縣東南二十里元初

駐兵於此遺址尙存

雍正志

達子城 在劍川州東北六十里即蒙古入大理駐兵處清一統志

澄城 在州東北一里高園今名老邵園元世祖駐蹕於此趙州志

元世祖城 在劍川州南百三十里古今圖書集成劍川州望德城東北六十

里有城即元世祖入大理駐師處雍正志在劍川州東四里元世祖南

征屯兵於此即今西蕃村鶴慶府志

按劍川州南百三十里並無有元世祖城古今圖書集成誤又案雍正志所云劍川州望德城即清一統志之達子城同是一城而名互異耳舊志析而爲二亦誤

押赤城 攻羅部進至押赤城城際滇池三面皆水既險且堅又烏

蘭哈達入交趾交趾主內附於是大饗軍士還軍押赤城元史烏蘭哈達傳在

羅次縣東南二十里舊為烏蠻所居雍正志

驥琮籠城 在祿豐縣東北姚林山其地炎瘴惟烏雜蠻居之遷徙

不常元至元十二年割安甯千戶之祿琮化泥及驥琮籠三處置

縣俗名祿琮後易為祿豐雍正志四圍陡峻一徑可通穴居種類就石

作釜臼至今諸物遺址尚存雲南府志

歸化城 在呈貢縣東南二十里地名大吳籠昔吳氏居之後為些

莫徒蠻所有元割大吳籠安江安湖地置縣築土城明嘉靖中易

以石康熙七年省入呈貢故址存雍正志在呈貢縣南明隆慶中建古今圖書

集成去縣二十五里知縣張思昂建今裁入呈貢合為一邑呈貢縣志

安江城 即今安江村在縣南三十里明時有吳氏居之又名大吳

籠元初隸呈貢千戶所至元中置歸化縣以吳籠隸之今廢為村

呈貢縣志

建甯縣故城 在趙州東南九十里彌渡元至元十一年置二十五

年省入州今城址尚存雍正志

邵甸故城 在嵩明州西四十里元置城址尚存雍正志

楊林故城 楊林縣在嵩明州東南治楊林城乃雜蠻枳氏車氏斗

氏麼氏四種所居之地城東門內有石如羊形故又作羊林唐有

楊林部落即此元憲宗七年立楊林千戶至元十二年改為縣元史地理

志在嵩明州南三十五里清一統志在嵩明州南四十里址存雍正志

仁德府故城 在尋甸州東五里元至元十三年置領為美歸厚二

縣明洪武十五年改尋甸府成化十五年遷今城北一里址存雍正志

三泊故城 至元十三年於那龍城立三泊縣元史地理志在雲南府西南

九十里明成化間築今縣裁城存古今圖書集成在昆陽州西北清一統志在安甯

州南三十里址尚存雍正志

石梁故城 在霑益州東北五十里石梁山清一統志在霑益州東五十里

元置縣明洪武時廢址存雍正志石梁係磨彌部又名五勒部其酋世

為巫居石梁原山至元十三年立為縣元史地理志

通泉故城 在馬龍州西南四十里通泉鄉元置縣明永樂初省入

州明一統志在馬龍州西四十里古今圖書集成馬龍州通泉與嵩明州楊林縣接

壤至元十三年改名通泉縣隸馬龍州元史地理志

彌沙故城 至元十三年即彌沙等五城立彌沙縣二十四年并入

邑市元史地理志在路南州東南漢時築明一統志

道光志案彌沙五城蓋築於段氏時明一統志以為漢時築蓋誤

邑市城 彌歪城 至元十三年即邑市彌歪二城立邑市縣元史地理志

邑市故城在路南州東北八十里清一統志

馬龍故城 馬龍至元十三年改為州即馬龍舊城也元史地理志

研和故城 在新興州南三十里昔摩些徒蠻步雄居此元初其孫

龍插內附置縣明省入州明一統志在新興州南二十九里徽江府志

筓川故城 在筓義縣西北九十里筓川鄉清一統志至元十三年置筓川

縣屬筓義州二十六年省為鄉元史地理志

富民城 在縣東南十五里元至元十五年改置威州立富民淨樂

二縣屬焉故築此今廢為富民村楚雄縣志道光志案府志訛為阜民

淨樂城 在縣西南三十五里與富民城同築今廢其旁為淨樂庵

又有村名上北門楚雄縣志

部椿城 在江川縣北二十里清一統志昔蠻酋易昌所築元置雙龍縣於

此道光志案元史地理志無雙龍縣後省入江川今為雙龍鄉其北有古樹春初葉萌土

人視其先萌之方以下歲北雨南旱西則風雨時禾稼登東則豐

歉半四面皆萌旱澇饑饉歷試不爽明一統志

為美故城 為美縣治在仁德府北地名溢浦適侶睽甸至元二十

四年置縣屬仁德府元史地理志在尋甸州北三里雍正志在果馬里故址猶

存尋甸州志

歸厚故城 歸厚縣治在仁德府西地名易浪南籠舊隸仁地部至

元二十四年分立儻俸縣二十五年改儻俸曰歸厚元史地理志洪武中

廢在尋甸州西一百三十里今州境九灣九層城即其故址雍正志與

武定接壤石道猶存尋甸州志

南甸故城 在和曲州東清一統志南甸武定路治本縣蠻曰讓甸又稱洩

陬籠至元二十六年改為縣元史地理志

石舊故城 在祿勸州東五里元置縣屬祿勸州清一統志石舊縣在州東

至元二十六年立元史地理志

和曲故城 和曲舊城在南元州治於此明史地理志在武定府南二十里

古今圖書集成在武定府南十五里蠻名叵筵甸元改曰和曲尋升為州明

隆慶中改附府城故治基址尚存雍正志

河納故城 芳華縣故城 俱在陸涼州西古今圖書集成

羅山故城 在霑益州東南一百二十里平夷鄉清一統志霑益州東南有

羅山廢縣元置永樂初廢明地理志

阿邦寨城 在羅平州南三十里土酋龍少恃險處古今圖書集成在州南三

十五里羅雄部龍氏舊址有二城相間里許竝宅基在焉羅平州志

琉璃山古城 在縣西北三里元達魯花赤所築今廢河西縣志

河西古城 有三一在河西縣東三十里一在縣東北一里雍正志元建

學於此河西縣志一在縣西北三里俱元時築故址猶存舊志

西古故城 在河陽縣西四里元時築遺址尚存雍正志築時無考四塞

甚固古今圖書集成

黑邨城 在新興州北十二里團山下雍正志元時築清一統志

馬橋城 在新興州西北十三里大莊有石城故址雍正志元時築清一統志

畔籠故城 在新興州西十里甸心元置縣後省入研和縣明一統志元時

築清一統志

淑龍山寨城 在州東者氏據險處羅平州志

梁王城 在江川縣北山頂元梁王築雍正志

玉女城 在省城北十里元梁王築南詔野史在昆明縣穀昌故城旁清一統志

金馬關城 在昆明縣東七里元梁王築址存雍正志

中古城 在新興州西二里元時置以避兵址存雍正志在新興州西半

里社稷壇西北元梁王築駐兵明設倉納五衛屯糧又名古城倉

遺址存江澂府志

小古城 在呈貢縣北五里許高丈餘相傳梁王屯兵於此雍正志周圍

里許高數丈呈貢縣志

怕念鄉古城 在營義縣西南怕念鄉元百夫長居之臨安府志

羅次三古城 昔時諸蠻所築距城二十餘里各周二百餘丈一曰

赤城在城南一曰黑城在城北一曰白城在城東北隅白城內有聖化寺清康熙五年重修此寺甃瓦上有宣光字乃元順帝太子立於建昌年號也今城廢址存雍正志

小堡廢城 在州東北四十里乃帖木兒所居四面水繞河闊塹深難渡昔沐英擒帖木兒即此城也故壘猶存陸涼州志

明

神策衛城 在西山下神策營明初金吾將軍築趙州志

芒部故城 在鎮雄州西南七里明洪武中傅友德調指揮鄭祥駐

兵芒部築土為城師還城廢因名舊土城今遺址尚存清一統志一名畫

松城舊名花通城在城南二十里鎮雄州志

上關城 在大理府北七十里周圍四里設四門明一統志明洪武壬戌大

新纂雲南通志

卷四十一 地理考二十一 城池一

一一一

理衛指揮使周能築郡北要害明初守禦甚嚴今設塘汛撥兵守

之大理府志

下關城 在大理府南三十里城南有橋橋南有壁周二里三門明一統志

築同上關城今傾圮大理府志

富州故城 在土富州境明洪武十七年建清一統志

魯婆伽嶺巡司故城 在馬龍州南二十里清一統志在馬龍州南黃土坡

明洪武十八年建舊有巡司今裁城存雍正志

木密所故城 在尋甸州東南九十里明洪武二十三年建清朝改

置木密守備仍管守禦事今裁城存雍正志在州南五十里易隆驛東

明洪武十五年建周四百六十四丈高一丈九尺開四門尋甸州志

景東衛故城 景東府西有景董山洪武中築景東衛城於其上明史地理

志 在景東府西北五里雍正志 明洪武二十三年建周二里門四東曰

利城南曰泰安西曰定彝北曰肅清古今圖書集成 在廳北景董山下明洪

武二十二年緬蠻寇景土司戰敗請師因設衛建城周十里零二

百四十餘步設三門指揮居焉清康熙二十七年裁衛駐城守營

景東廳志

玉筆城 又築小城於山巔謂之月城明史地理志 在景東府西景董山明

洪武中建衛城復於山巔別為小城周圍三十餘丈東開一門清

康熙九年建營於此名玉筆城雍正志

平夷衛故城 在平彝縣西一里清溪河左山巔今俗名舊城山雍正志

宜良所故城 在宜良縣西明洪武二十四年建城周三里清康熙

五年省清一統志

新纂雲南通志

卷四十 地理考二十 城池一

一三二

楊林所故城 在嵩明州南三十五里明洪武二十五年建周二里

萬曆五年知州鄭邦福重修今奉裁併州焉雲南府志

霑益故城 在南甯縣東北二百十三里清一統志 霑益州舊志府南石堡

山西元置洪武二十五年改置於此明史地理志 州城周三里有奇與松

林炎方三城犄角為曲靖捍蔽天啓二年陷於賊四年收復重葺

之明曲靖府志

道光志案舊霑益州在今新霑益州北二百里

江川故城 江川南有故城崇禎七年圯於水明史地理志 在江川縣南四

里明洪武二十七年築徽江府志

史拱城 明長官司龍者甯居此開化府志

安甯所舊城 在安甯州南明洪武中築今州之南門即所城之北

門雍正志

越州衛故城 在南甯縣東南十五里明洪武末置今號其地為南

城村清一統志在南甯縣南六十里今城尚存雍正志

大維摩城 在邱北南明洪武間築土城於大維摩雍正志

馬隆所故城 在馬龍州北里許明永樂二年置清康熙二十年所

裁城存雍正志

麓川城 在隴川司南近木邦界舊麓川宣慰司治此山岡險阻周

迴三十餘里柵堅塹廣不可驟越東南一面傍江壁立明正統間

思任發以麓川叛王驥等統大兵四面分攻其西中西北及西南

江上二門又攻東北門及東北出象門克之賊遁入緬甸驥等毀

其城柵班師而還清一統志

定邊縣故城 明成化三年知縣祝子昌築土垣周二百餘丈高一

丈二尺無池今存廢址古今圖書集成表以三門門皆設樓定邊縣志

尋甸故城 在尋甸州北一里明成化十五年築土城後徙魯兀山

下嘉靖十二年遷今治雍正志

古大羅城 在賓川州東一里俗呼軍營明宏治間掘地得碑上有

大羅城三字因以名衛雍正志

西街故城 在河陽縣西十里清一統志在河陽縣西五里民居稠密明正

德六年知府唐臣築周三里與郡城為犄角今廢址尚存雍正志為門

五東曰東秩南曰臨清西曰西成北曰覽秀東北曰豐財徽江府志

新安守禦所故城 在蒙自縣西南十五里明正德十四年築清一統志在

補瓦寨距縣城十里許正德十二年修築周圍二百一十丈有二

門南禦遠北永安清康熙二十五年所裁今城仍舊縣志

陽宗縣故城 在河陽縣西北五十里明正德間知縣李珩築古今圖書集成

在河陽縣東北四十里明湖之南元至元中置縣明正德間築城

清康熙八年併入河陽縣城存雍正志

花丈城 在縣東南七十里明正德時遷臨安衛中所於此築新安

守禦城後以險遠改遷於縣左十里蒙自縣志

新花州故城 在新平縣西北二百里明嘉靖五年築土城清康熙

五年併入新平縣今州城址猶存雍正志在縣西北四十五里新平縣志

鳳梧所故城 在尋甸州東城內明嘉靖六年建清康熙五年裁城

存雍正志

阿迷所故城 阿迷州東有阿迷守禦城萬曆二年築明史地理志在阿迷

州東一百二十里地名虛卜桶舊為獬獠所據明萬曆二年巡撫

鄒應龍討平之置所竝築土城今裁清一統志

倘甸城 在蒙自縣西七十里昔名祿釵冲巡撫鄒應龍平寇之後

始闢草萊築土城臨安府志

鎮姚所故城 在保山縣東南一百五十里清一統志在保山縣東南老姚

鳳山之阿明萬曆十三年改永昌所建今所裁城存雍正志

鎮安守禦所故城 在猛林寨滇志在永昌府西南潞江外三百五十

里明萬曆十三年改金齒所建今所裁城存雍正志

甯遠舊城 在建水州西南一百里本為甯州地明析置甯遠州萬

曆末廢清一統志建水州西有甯遠州萬曆十四年析建水州置四十八

年廢明史地理志

新平舊城 在縣西五里明萬曆十九年築高一丈五尺厚三尺五寸架椽覆瓦城外濠周三百五十丈崇禎七年遷今地舊城廢今遺址尚存新平縣志

維摩舊廢州城 維摩州西有三鄉城萬曆二十二年築明史地理志 在邱

北南曰者馬者龍阿凝三鄉之界雍正志 明萬曆間土舍李應輝築在

石龍山後圮清一統志

陸涼州舊城 在陸涼州東北二十五里清一統志 陸涼州城萬曆二十六

年始建土城周二里有奇明通志 在陸涼州東北二十五里雍正志 舊城在

今州北清康熙初年州城圮衛城堅完如故後裁衛歸州因移州

治於衛城內今舊州城故址尚存陸涼州志

順州故城 在鶴慶府東南古今圖書集成 在永北府西一百二十里雍正志 萬曆

二十八年築土城繞城有濠明一統志

大侯州故城 在雲州南即舊州治與雲夢接壤土名大侯寨雍正志 雲

州舊係土城明萬曆三十一年遷建於大栗樹為今州治而故城

遂廢滇志

右甸守禦所城 在順甯府西南二百里矣堵十三寨之中右甸川

之西山麓明萬曆間巡撫陳用賓築為郡城藩蔽周二百丈有奇

今遺址尚存雍正志 萬曆三十八年知府余懋學建今廢順甯府志

廣西督捕城 師宗州西有龜山萬曆四十八年築督捕城於此明史地理

在廣西府西四十里萬曆初置為本府通判分防之所址尚存

雍正志

赤石崖土城 在赤石崖明萬曆間築大理府志

嗎里城 在恩安縣東五里清一統志在鎮雄州東五里明萬曆間建遺址

尚存雍正志在州南十里明嘉靖五年改芒部為鎮雄以流官程洸為

試知府築土城於嗎里鎮雄州志

那代廢城 在新現上酋何起龍據開化府志

亦佐故城 元置縣明永樂初改屬曲靖府清康熙八年省入羅平

州城址尚存清一統志在羅平州東二百里古今圖書集成在平彝縣東南一百三

十里明天啓四年建石城康熙四年縣裁城存雍正志

炎方故城 霑益州南有炎方城天啓五年築明史地理志在炎方山下今

宣威所轄清一統志在火忽都堡天啓五年巡撫閔洪學檄守備吳必魁

督建高二丈周三丈城樓三間設四門名其城曰化化蓋是時

土婦設科作叛建城制之故名霑益州志

松林故城 霑益州西南有松林城天啓五年築明史地理志在霑益州西

南一百六十里清一統志在普魯吉堡天啓五年巡撫閔洪學檄都司王

聘選百戶唐三祝督建高二丈周三丈城樓二開四門今霑益州志

松詔關城 建築年次失考明天啓間撥軍戍守或即以是時建也

今圮霑益州志

城方橋故城 天啓間知州孟納孔督建時東川安酋不靖名禦外

侮實防內患也霑益州志

維摩新廢州城 在邱北西阿甯鄉明崇禎四年徙州治於此清康

熙九年州廢城存雍正志

貢泥河城 在縣東南二百里明崇禎六年築平彝縣志

煉象關城 在羅次縣西南一百二十里介安甯祿豐之間明崇禎

十六年建石城雍正志

通海守禦所故城 在通海縣東北五里清一統志明設今所廢城存雍正志

澉江舊府城 在河陽縣東五里繡毬山明知府徐可久遷今治舊

址存雍正志

玉女山城 明土司龍古築開化府志

教化故城 在府西四十里波些山下明長官司張德勝所居基址

尙存開化府志

古木城 即枯木在府南三十五里明副長官司龍勝全築後龍元

慶據此以叛開化府志

阿雅城 明土司龍上登築即今八寨尙有遺址開化府志

革灑故城 明土司龍祚築其地山高箐深人跡罕到天陰時殺氣

新纂雲南通志

卷四十 地理考二十 城池一

一一八

騰騰嘗聞人馬鐘鼓聲開化府志

鎖呂城 在府西七十里明土司烏志德築開化府志

王弄故城 在府西八十里明王弄司烏騰鳳築後為沙源據開化府志

陸竜古城 今名樂農沙定州據故址猶存開化府志

古梁州城 在縣北十五里河西縣志

道光志案以下三十八城建築年代俱失考今附載於明之後

宜良八古城 一在宜良縣東陳家渡一在縣東五百戶營一在縣

東北彌沙龍一在縣東南竹瓦村一在縣西巖泉寺一在縣北城

北村一在縣北江頭村一在縣北兔街子雍正志

塔墩城 在州南二里許晉甯州志

河陽故城 在河陽東清一統志

黑柏城 在河陽縣東舊陽宗縣東三里一名輸納籠城雍正志蠻所築

也清一統志

法土竜城 在廣南府西十五里其城險固城後有高山壁立復有

石城憑高臨下城中每恃為聲援雍正志在府東北三十里麒麟山上

下有清泉可資灌溉開化府志

歌岡城 在芒市去龍陵廳一百二十里今廢永昌府志

羅古城 在界頭雪山下舊為蠻酋所建舊有大寺在其處聞此地

有路踰雪山可通上江騰越州志

維摩舊城 在府北七十里江那界內開化府志

西山古城 在府西七里開化府志

科麻城 在府東北六十里址存開化府志

新纂雲南通志

卷四十 地理考二十 城池一

一一九

底宜故城 在府西七十里開化府志

弓革城 在府東北百三十里開化府志

石城 在新現阿打克山嶺山下有井旁立石碑字跡磨滅難辨城

內有棕樹百株確磨軍器諸物人取之則中毒死其城四面石壁

惟一徑可通不知創於何時開化府志

新平古城 在縣西南五里不知築自何年想亦古之夷巢相傳或

以為諸葛武侯築蓋傳聞之譌今其址猶存舊志載平甸鄉有廢

城為元末梁王避兵之所或即此新平縣志

天生城 在恩樂縣東六十里三家坡周圍懸巖石壁中有平地儼

如城垣今駐汛兵雍正志昔駐兵今撤回道光志

木柵義城 騎思籠城 俱在陸涼州東南中坵澤上今廢雍正志

鹵昌古城 在陸涼州西南五里許雍正志

大小石城 俱在昆陽州北三十里其石環圍如城清康熙三十三年按察使許宏勳鑄大石城壁曰湖天鎖鑰小石城壁曰雲莊雍正志

小烏蒙城 在恩安縣北七十里四圍皆山中有平地夷人於此耕

種號曰傑紀清一統志

景杏土城 馬援城 景杏土城在孟定府境其相近又有馬援城

今名馬援營清一統志

密堵城 速送城 在孟養司南皆孟養別部所居距孟養十餘程

瀕金沙江近緬甸之阿瓦城清一統志

西山故城 在州西三十里昔夷長所居今壁壘存焉陸涼州志

尙濶城 在馬龍州東南四十里雍正志不知所自馬龍州志

新纂雲南通志

卷四十 地理考二十 城池一

三〇

耶城 在馬龍州與尙濶城皆土蠻築雍正志在州東南境不知所自馬龍州志

羅密城 在騰越州北三十里清一統志在騰越州北二十里舊為蠻酋所

居濠塹猶存雍正志

鐵板城 在鐵橋南古今圖書集成

東川故土城 在東川府西南二里故址存雍正志有三在綏甯門外土

曾三子分居之今皆無存東川府志

木期古土城 在江外蒙居租清乾隆五年知府田震參將繆宏築

東川府志今圯道光志

祿氏土城 在豐昌門外三里許五竜募故址尙存是為土府東川府志

祿氏水城 在羅烏門外青龍山下今燬東川府志